

洛寧縣志

土地部

古蹟志

金石附

昔子朱子體聖人無徵不信多聞闕疑之旨注書注經折衷盡善後之紀載者宗之斯無穿鑿附會之弊焉峭地春秋見於經元魏置為縣今停車村墟訪歷代遺跡城防塢壁彌望桑麻父老無能指之者即斷碣殘甌亦皆飄散荒烟頽照每蒼茫久之稽諸各史僅什一千百况亥步難周謝履罕到前志多從苟簡不能徵文考獻以補之遭逢

古文之世虎觀石渠時殷采擇倘襲其固陋其何以應輶軒之命用是惕然于懷於各史書中細加搜補復取施郡志所擲拾者詳加論正務求實而可徵至俗所稱鳳翼郡為鄉聚之名書城為形冢之語無可証据者仍從施郡志削之

歸于雅馴至金石文字可補史傳所未及攷古者恒重焉郡志止七條茲於前人志攷外唐宋金元新采十餘條皆披荒榛拔士繡得之而曩時官師姓名亦藉據補附古蹟下庶於體制不紛云

邑郡城

周武氏邑 春秋隱五年武氏子來求賻杜注武氏子天子大夫之嗣也水經注元扈之水出於元扈之山逕于陽虛之下又東合武里水水南出武里山東北流注于洛施府志按元扈陽虛俱在洛寧縣西則武里亦當在永寧西山河兩戒攷以武里為武氏邑而又云武山在濟源固兩存其說矣未知孰是

周陰氏邑 山河兩戒攷襄十有二年齊侯許昏王使陰里結之杜注陰里周大夫後有陰忌陰不佞按隋志河南宜陽縣有陰山水經注大陰谷水出大陰溪北流注入洛洛水又東合白馬谿水出宜陽山澗是也

按洛寧古宜陽地隋志宜陽陰山即洛寧神頂山俗名蓮花頂其下有陰谷水苑府志以陰氏邑屬宜陽今其地皆在洛寧宜改入洛寧古蹟是

漢金門城 水經注金門山多重故在韓建武二年強弩大將軍陳俊轉擊金

門白馬皆破之方輿紀要金門城以金門山名後漢延熹二年以誅梁冀功封尚書令李膺為金門亭侯即此處也

按金門山今洛寧地方輿紀要入宜陽宜改正

晉龍驤城 水經注洛水又東逕龍驤城北龍驤將軍王鎮惡從劉公西入長

安陸行所由故城得其名方輿紀要龍驤城在洛寧縣西四十里

後趙石勒城 水經注洛水枝津水上承洛水東北逕流石勒城北又東逕高

門城北東入高門水

按高門城即今高門關石勒城已與相近則其城應在洛寧地

秦符堅舊城 永固城

按方輿紀要隋義寧二年又移永周城因符堅蕩城置縣曰洛寧是永周城即符堅蕩城而隋時初置洛寧縣移治之地也今縣東北三十里有蕩縣村不知是否

西魏北宜陽縣 方輿紀要洛寧為漢澠池之西境西魏于黃櫨置北宜陽縣後改熊耳縣

東魏金門縣 魏書地形志宜陽郡領縣金門興和中置施府志魏書有金門郡又有金門縣別屬宜陽郡皆興和中置是郡與縣不同地矣其因漢金門城者為郡為縣不可知故別列之

東魏金門郡 水經注洛水右會金門谿水水南出金門山北逕金門塢西北流入於洛魏書地形志金門郡興和年置方輿紀要洛寧縣西三十里有金門塢或以為金門郡城也

按今金門山周遭幾四十里內即金門塢也塢為防戍之別名金門郡城在此無疑至金門縣想在全門白馬之間別立城以為防禦今金門川東有橫崗長數里其下為樓子邨上皆古寨未知是否

東魏北陸縣

地形志金門郡領縣一北陸興和中置

按爾雅釋地高平曰陸釋名水流瀧而出易曰鴻漸于陸今金門山此阜高平數里曰寨子村在金門川入洛之西北陸縣當在此地與金門遂對以作郡捍禦東西魏五爭宜陽金門其險隘故置郡一縣二為犄角之勢後周陳忻三破金門斬其郡守遂得宜陽乃廢郡立成馬

後周同軌郡城

隋書地理志後周置同軌郡隋開皇中廢方輿紀要同軌在

洛寧縣東西魏置同軌防於此大統年間高澄至洛同軌長史裴實與東魏

將彭樂戰為樂所擒通典洛寧縣後周置黃櫨同軌永昌三城以備齊唐武

德三年移縣治同軌城施府志同軌遺址永寧志謂不知所在據紀要謂在

縣東今縣東北有城頭村未知是否

後周熊耳縣

隋書地理志熊耳後周置方輿紀要後周移劉鳩屬同軌郡隋

徙治同軌城義寧三年又移于永固城因符堅舊城治縣曰洛寧唐初復移

治同軌城屬熊州貞觀初改屬穀州又移治莎柵後又移治鹿橋驛顯興初

改屬洛州施府志熊耳山在今味州 寧澗池界熊耳故城當即今洛寧故

縣鎮在今治西北界上而洛寧之名則始於隋後屢移治今縣治實鹿橋驛

按施府志既云熊耳山在陝州永寧澠池界則熊耳城當在東北今故縣鎮在縣西與盧氏接壤去熊耳在百里外不應如是之遠

後周劉塢治 方輿紀要後周移熊耳于劉塢

按隋書開皇初徙熊耳治同軌而紀要所云豈置縣復又移劉塢非改北宜陽之舊治地耶今縣西有塢東西南三村疑因劉塢得名

後周莎柵治 通典莎柵在縣東唐乾元上元間衛伯玉等屢破史思明將李

懷仁于洛寧莎柵之間方輿紀要洛寧改屬穀州移于莎柵

按穀州唐貞觀元年徙於澠池縣通典謂莎柵在縣東今縣東北有河底村與澠池縣相近與改屬穀州移治之文相合是河底村即唐莎柵也

後周黃櫨城

按通典云周置黃櫨同軌永昌三城備齊紀要云周于黃櫨置北宜陽縣今治西北一百里有黃城即水經注之黃城與故縣鎮近是故縣鎮即北陽故縣及改北宜陽為熊耳之後另於黃櫨置城防戍

後周永昌城

見上黃櫨城注其地不可攷

西魏長淵縣

後周長水郡 文獻通考長水古盧氏縣 唐書地理志長水畿縣

按唐書長水縣注本長淵隸宏農郡隨改為長水文獻通考西魏設長淵縣而又云周宜陽陝州士劃在長水郡北十五里豈周時又設長水郡耶

唐函州城 唐書地理志以洛寧靖置函州八年州廢以洛寧隸熊州靖隸陝

州

按舊志函州城遺址在縣北四十里刀環大宋之間今無可致舊府志謂在縣北馬村保唐武德三年築或有所據

唐長水城 唐書地理志本長淵縣隋改長水武德元年隸魏州貞觀八年隸

穀州顯慶二年來屬有賜西有高門關松陽故關鵝鵠關文獻通攷長水縣

注漢盧氏縣唐縣有天壇山施府志洛寧縣西有長水鎮去縣治四十里

唐靖縣城 方輿紀要後魏太和十一年置縣屬宏農郡以二嶠山而名隋大

業初并縣入熊耳唐初復置舊唐書武德元年復置靖縣三年屬函州自陝

石塢移置鴨橋八年改屬陝州開元十四年移置陝石塢改曰陝石縣而舊

全唐書地理志

嶠縣為石濠鎮五代劉智遠自太原南下至陝州明日至五濠是也施府志

按洛寧志謂嶠縣城在城北九十里而遺址無存洛寧西有舊縣未知是否

魏蠡城徙治 水經注又東北過蠡城邑之南注城西有塢水出北四里山上

原高二十五丈故澠池縣治南對金門塢水南五里舊宜陽治也名勝志曹

操移縣西六十五里之蠡城賈逵為今時所理也方輿紀要澠池舊理蠡城

今縣西有蠡城驛水經注蠡城南對金門塢屬永寧縣以洛水為界補新

按此則魏時澠池舊治在今洛寧縣境內矣水經注南對金門塢方輿紀

要以洛水為界是其確據魏時澠池與宜陽俱屬宏農郡洛寧為澠池西

南境徙縣於此無足異王顯惡徙劉公西伐長安運龍驤城見水經注并

史鎮惡進軍澠池遣毛德祖擒秦將尹雅于蠡城與水經注逕由之路相

合其對金門塢之高原自在洛北今縣城西一帶地內水經注載蠡城西

塢水入洛北塢在北宜陽北山之後鳳小澗之前即今永寧縣西十里嶠

嶠澗施府志既云蠡城當在嶠山南四里又載入澠池古蹟自岐其說

高門木城

晉書龐季明入廬氏進達高門木城水經注洛水枝津東迳高門

城北補新

高門閣

檀山瑞 水經注洛水又東迤檀山南其山曰絕孤峙山上有鳩聚俗謂之檀

山鳩補新

互見山
川志內

宮 室 軒 亭 臺

唐峙岫宮 唐書地理志洛寧縣有峙岫宮顯慶三年建李通志在縣西五里

唐建詩有武后去來紅襟盡野花黃蝶頰春風之句即其處也

唐蘭峰宮 唐書地理志洛寧縣有蘭峰宮顯慶三年置李通志在縣西三十

三里

按史高宗顯慶初武后因王蕭之死不樂居長安高宗乃以洛陽宮為東都崇飾別宮以媚之其駐蹕之所靈寶有上陽桃源翠微三宮陝州有蘭頤宮洛寧有峙岫蘭峰二宮宜陽有連昌蘭昌二宮皆窮極侈麗所謂離宮也

明萬安王舊宮 明史諸王表萬安康懿王名典賴伊敬王庶二子嘉靖七年

封以奉祀隆慶四年薨子昭和王名褒燒康懿嫡一子萬歷二年襲封二十
 六年薨子恭宣王名珂佳昭和嫡一子萬歷三十一年封長子二十九年襲
 封以就府營福藩別城洛寧尋薨子采鋌恭宣嫡一子襲封崇正九年二月
 以盜熾請加築洛寧城十四年賊破城遇害補

按萬安王舊府舊志失載詢之邑人云在東城舊址亦不可攷

快風軒 李通志龍頭山有快風軒

漢金門亭 方輿紀要以誅梁冀功封李偉金門亭候

僕谷亭 水經注洛水逕僕谷亭北

黃亭 水經注洛水東逕黃亭南

倉帝造字臺 路史禪通紀倉帝史皇氏有睿德生而能書及受河圖錄字於

是窮天地之變仰觀奎星圓曲之勢俯察龜文鳥羽山川掌指而叛文字形
 位成文聲具以相生為字羅草注河圖玉版云倉頡為帝南巡登陽虛之山

臨於元滬洛泗之水靈龜負書丹甲青文以授之又施府志按元滬陽虛今在洛寧則造字臺遺蹟有由來矣今據路史倉頡造字仰觀俯察固非一端而謂受龜書于元滬以造文字亦足為確論也至長安三會寺亦有倉頡造書堂羅華注以為未然

洛書非滬書辯

明 邱起鳳

洛寧縣西有元滬水黃帝時史臣倉頡從帝南巡臨於此水水開一窩有龜出焉厥背赤甲青文即所謂滬書者也倉頡因則之以制字此陽虛山所以有制字之臺也至虞舜時大禹治水有龜載書出之於洛今所傳洛書是也按洛水關七縣之地求其龜的出於何地則不知也後人求其地不得見滬與洛相近且其流漸入於洛據滬有龜窩宛然可按遂指為洛之出書即此是耳遂一唱百和學士大夫亦深信而不疑余未能至此地嘗玩誌之圖識龜窩之去洛尚遠遠不在將入未入之界此則滬自為滬洛自為洛較若列

系志 古蹟志

眉雖五尺之童亦不至於眩惑乃於其寓所出之龜輒謂洛之出書即此真有不可解者矣夫滬非有異流也滬之龜未嘗再出也如謂禹時之龜即此而是將謂黃帝時之龜又出於何地乎永人兩存其說而不一究其實傳信傳疑不幾兩無據歟或者謂出書啟疇千古稀有之奇是以艷而稱之未嘗深求不知滬書出而字以制舉結繩之陋而頹易之至於天雨粟鬼夜哭即禹疇以憑之而後啟豈可重抑其出洛書下哉顧置此而稱彼則何也余嘗謂滬因在於永也洛亦經於永也雖謂兩書並出於永亦無不可惟執滬所出之龜謂即洛書斷斷不可何也龜寓實在滬中與洛毫無干涉按跡顧名其是非自了了矣趙志

夏鹿臺 名勝志鹿臺在洛寧縣北相傳洪水時禹至此見一鹿築此臺又謂之高霞臺

闕塞

古嶺塞 春秋僖三十年晉人敗秦師于嶺左傳嶺有二陵焉其南陵夏后息之墓也其北陵文王之所避風雨也公羊傳嶺之巔岩呂氏春秋九塞嶺其一也方輿紀要三嶺山亦曰二嶺在今洛寧縣北六十里謂之嶺塞戰國策所謂澠隘之塞也秦昭王初楚圍雍氏秦下師於嶺以救韓張儀說趙曰秦軍軍於澠池願渡河逾漳戰邯鄲下蘇代謂甘茂自嶺塞至鬼谷一作槐谷其地形險易皆明知之漢景帝三年吳楚叛周亞夫出關討之趙涉曰吳王懷輯死士必置奸人於嶺澠阨陘間亞夫因出武關而東東漢建武三年龐德大破赤眉於嶺底建安十九年龐德破賊張白騎於兩嶺間水經注嶺有盤嶺石嶺干嶺之山故又曰三嶺晉大寧三年後趙石生屯洛陽劉曜使其黨劉岳趨孟津呼延謨自嶺澠而東合諸軍攻洛陽畧地至嶺岷關中大震後魏永熙三年高歡自晉陽犯洛宇文泰遣將赴援會魏主西走嶺中又韋孝寬襲破東魏將段琛等於宜陽嶺澠遼清元和郡縣志有東嶺至西嶺三十五

里東靖長阪數里峻阜絕澗西靖純是石阪十二里險不異東靖此二靖皆在秦關之東漢關之西輿地廣記二靖山連入硤石界自古險要之地也施府志三靖入永寧澠池陝州三界楊升菴春秋地名考二靖正義曰俗多土穀石穀其後轉為土濠石濠杜子美有石壕吏詩宋建炎二年金人自同華東走石壕即舊靖縣而澠池有土濠鎮乃土穀也硤石入今陝州界

按通典魏正始元年宏農太守孟康上言移函谷關更號大靖關則當移在洛寧澠池間

唐高門關 唐書地理志長水西有高門關方輿紀要高門關在永寧西十八盤嶺北明史地理志洛寧有高門關廵檢司

唐松陽關 唐書地理志長水有松陽關方輿紀要洛寧西八十里有崇陽鎮關有廵司施府志唐松陽方輿紀要作崇陽明史地理志亦作崇陽實一也唐鵜鳩關 唐書地理志長水有鵜鳩關方輿紀要在洛寧縣西鵜鳩山唐所建也今廢

明靖底關 明史地理志洛寧東有靖底關 巡檢方輿紀要靖底在洛寧縣西
北七十里 即靖谷之底也 亦曰靖坡 一名灑池 馮異大破赤眉於此 明初置
巡司 後革

按靖底應依方輿紀要在
縣西北 明史在縣東誤

明神項寨 舊志縣東南三十五里 明洪武初大將軍徐達等率諸將進攻河
南諸山寨 克神項寨 元守將張知院以其眾來降 達隨進兵洛水北塔兜灣
命百戶孫震守禦

明白馬寨 舊志縣東南四十里 明永樂間命百戶顯飛守禦
附 府 戍 附 戰 地

後魏同軌防 方輿紀要洛寧縣東西魏置同軌防

按同軌防主長
史見後周書

後周靖東五義防 補

按後周書陳忻傳隨嶠東諸將破東魏三城斬其金門郡守魏元傳邛山之敗守嶠東立義者成懷異望嶠東立義自是一城防周五號州熊州等十六防軍事嶠東應與黃檀同軌等並重故曰守其云立義者蓋招集義兵所屯觀盧光傳光守山東立義加大都督可見又後魏書以陳忻為立義大都督即此防也其防即在嶠縣城紀要未查載新補之

唐同軌府 方輿紀要唐置河南郡三十九府有同軌府

後周洛西都督府 後周書韓雄傳以雄為洛西大都督假平東將軍仍鎮洛

西補新

後周金門戍 文獻通考周既得宜陽於金門置戍以備齊補新

按置戍當在廢金門郡後

後周宜陽陝州土剗 文獻通考周置黃檀三城及宜陽陝州土剗以備齊注

在長水郡西北十五里補新

按長水今在洛寧則土剗應亦在境內但未識土剗之義舊府志土剗在洛寧縣西北古蒯關之塞垣後為鎮土剗為剗字之謫未知是否

宋孫洪澗戰地 宋史楊再興傳岳飛屯襄陽以圖中原遣楊再興至西京長

水縣之業陽教孫都統及統制滿在斬五百人俘將吏百人餘黨奔潰明日再戰于孫洪澗破其眾二千復長水得糧二萬石以給軍民盡復西京險要又得偽齊所留馬萬匹芻粟數十萬中原響應

按舊志澗在今縣西南六十里土人呼為孫峪

橋

唐鹿橋 方輿紀要洛寧唐移治鹿橋驛

明金門橋 李通志金門橋在洛寧縣南

長淵橋 李通志長淵橋在洛寧縣西

驛

唐鹿橋驛 方輿紀要洛寧移治鹿橋驛

按嶠南道有後周重開隋唐兩京大道俱由陝州洛寧宜陽至東都見富鄭公福昌宰燕堂記及唐女子題三鄉驛詩序

唐洛寧傳舍 唐書叛臣傅史思明使朝義攻陝退壁洛寧思明大怒將誅而

釋之又敕築三角城怒不如約朝義懼思明居傳舍駱悅等共誅朝義行大
事許之思明愛優譚寢食常在側優者以其忍恨之是夜思明據牀叱咤優
問故答曰我夢羣鹿渡水鹿死而水乾云何俄如臣悅以兵入優共指臣思
明踰垣出至廐下將乘馬走悅麾下射其臂墜左右反接縛之送至柳泉傳
舍縊殺思明

唐柳泉傳舍 施府志史朝義步將執史思明于鹿橋驛囚之于柳泉方輿紀
要謂唐制三十里一驛鹿橋驛為今洛寧縣治故以柳泉驛入洛寧如是則
宜陽之柳泉亦非唐時之舊驛矣

按朝義退壁洛寧思明夢羣鹿渡水水乾實為鹿橋被縛之北則唐書中
傳舍即洛寧驛也紀要謂唐制三十里一驛今宜陽柳泉距洛寧七十五
里地形不合故另標柳泉傳舍為一條以存其說洛寧東嶽山
將三十里有花泉豈柳泉之誤耶然亦不可遂執為定論也

改道

古般阪 淮南子太汾澗阨荆沅方城般阪井陘令庇句注居庸是謂九塞

五見山川志及峭塞下即漢書所謂蔽底也在
今縣西北六十里古號險峻今為樵牧所逕矣

漢回谿阪 後漢書馮異傳建武三年拜征西大將軍會鄧禹率車騎將軍鄧

宏等引歸與異相遇禹宏要異共攻赤眉異曰與賊相拒且數十日雖屢獲
餘眾尚多可稍以恩信傾誘難卒用兵殺也上今使諸將屯颍池要其東而
異擊其一舉取之此萬成計也禹宏不從宏遂大戰移日赤眉陽敗棄輜重
走車皆載土以豆覆其上兵士饑爭取之赤眉引還擊宏宏軍載亂異與禹
合兵救之赤眉小郤異以士卒饑倦可即休禹不聽復戰大為所敗死傷者
三千餘人禹得脫歸宜陽異棄馬步走上回谿阪唐章懷太子注回谿今俗
縣東北其谿長四里與麾下數人歸營復堅壁收其散卒招集諸營保數萬
人與賊約期會戰使壯士變服與赤眉同伏於道側旦日赤眉使萬人攻異
前部異裁出兵以救之賊見勢弱遂志眾攻異異乃縱兵大戰日昃賊氣衰
伏兵卒起衣服相亂赤眉不復識別眾遂驚潰追擊大破於峭底降男女八

萬人餘眾尚十餘萬東走宜陽降璽書勞異曰赤眉破平士吏勞苦始雖垂

趨回谿終能奮翼颺池可謂失之東隅收之桑榆方論功賞以答大勲

按舊志谿在今縣西六十里土人名曰回頭溝

古峭南道 方輿紀要水經注峭有盤峭石峭千峭之山所謂峭有二陵則石

峭之山也自漢以前率由南道以曹公惡南路之險更開北道

按晉太康三年宏農太守梁柳修復舊道大峭以東西峭以西則曹公開北道之後南道未盡廢也詳見峭山注

後周南道 杜佑通典自魏晉以來皆由北道後周初更開南道

隋唐兩京孔道補

見鹿橋驛下

按舊志有騎驢道載東坡與子由曰二陵騎驢至澠池題壁詩騎驢道三字既強湊非舊名題壁又在澠池寺中今刊之

宅里

唐張濬故居 唐書張濬傳居洛長水墅補

元薛元故宅補

按舊志薛庸齋以所居故宅創洛西書院萬歷間移萬安王自洛陽城洛寧書院近王宮久廢國朝乾隆十二年單公履咸重修近掘得半碑於東門街有樂園故址四字人皆以為庸齋獨樂園遺址獨樂園既無所指而碑又後時追立或見於程鉅夫書院記中惜雲樓記久佚耳附記於此

元蔡子英故居

按舊志云縣南三里經局村元蔡子英故居子英面多鬚嘗為湯和所焚見明史忠義傳至今人猶稱蔡翁子家云

明洛上翁山居宋濂潛溪詩集有贈洛上翁山居詩補

按洛上翁即答祿與權

贈洛上翁山居詩四首

宋濂

紅鞋金帶荔枝花三品詞林內相家歸去山中無俗事瓦瓶春水自煎茶
乞與山童潤筆錢歸時正及早春先玉堂分取薇花樹種在雙溪淺水邊
山僧羽客莫相過碑版人間刻已多從此黃庭不須寫有聞池水養羣鵝
滎歸詔許老山垆火棗交梨養性靈秘府圖書翻閱盡却從方士借丹經

祠廟

長水東岳祠

全史商衡傳字平叔曹州人為秦藍總帥府經歷天興元年關

陝行省徒單兀典等敗於鐵嶺衡未知諸帥存沒招集潰軍以須其至遂為
兵士所得欲降之為不屈監至長水縣東岳祠前誘之使招洛陽衡曰我洛
陽識何人為汝招之耶兵知不可誘欲捽其中衡瞋目大呼曰汝欲脅從我
耶終不肯降望闕瞻拜曰主將無狀亡兵失利臣之罪責亦無所逃但以一
死報國身遂引佩刀自剄年四十八

按長水鎮東岳祠
其址今不可識

金石

倉頡陽虛山石刻

金石古文按河圖玉板云倉頡為帝南巡登陽虛之山臨

于元澆洛汭之水靈龜負書丹甲青文以授之文捉二十八字景刻於陽虛
之石室李斯止識八字曰上天垂命皇辟迭王今已不可尋矣施府志按井

蒼云為帝南廵作一白為吾去聲言奉黃帝命而代之南廵也亦言黃帝史臣羅革路史注引河圖玉板靈龜負書以授帝為倉頡也又通志金石略倉頡石室記有二十八字在倉北海墓中土人呼為藏書室周時有無人識速孝斯始識八字漢叔孫通識十二字任昉云周人不能辨而斯通識之予不敢信攷二句乃寇謙所纂黑帝安和國主禁文也據此則或謂洛寧陽虛或謂北海墓下皆可存而不論矣石刻今佚

晉石峭北山石銘 方輿紀要水經注峭有盤峭石峭千峭之山所謂峭有二陵則石峭之山也自漢以前率多由此曹公西侵巴漢惡南道之險更開北山高道山側附路有石銘云晉太康三年宏農太守梁柳修復舊道太峭以東西峭以西明非一峭也銘今佚

唐左散騎常侍王質神道碑 金石攷開成二年劉禹錫撰碑云葬河南府洛寧縣洛州鄉史原從舊阡也

金竹林禪院記 金石攷正大庚辰元好問撰記云竹林寺在洛寧之白馬原

記今佚

元轉運使薛公神道碑 金石攷程鉅夫撰在王范鎮北山之陽

按此碑施府志與舊志藝文內俱
失載今訪出補入碑文見邱墓內

元幽巖禪師碑 金石志在洛寧縣碑文今佚

元洛西書院記 金石攷至元元年程鉅夫撰記今佚

以上舊志

唐佛頂尊勝陀羅尼咒石幢 在寧利寺內咒後載依福先寺律院玉石幢本

後又有質樓閣陀羅尼咒貞元十年歲次甲戌七月壬申朔十五日建河南府

洛寧縣開 鄉景福寺 功德山為三師妹敬造楮書

唐佛頂尊勝陀羅尼經石幢 在福昌寺幢八角下截稍缺損本別之尚有四

千六百餘字可塌迺唐元和十三年十月十六日義宏大師弟子至雅至圓

立鄉貢孝廉扶風魯勤撰序讚并書小楷遒勁石幢中之佳者金石攷俱不載施郡志亦搜采未及

宋洛京洛寧縣福昌寺重修碑記 碑載淳化四年十月十三日守秘書省著作佐郎專用晦京右街天宮寺沙門寺文書記內稱此院唐舊名香積太平興國間命改福昌之號是不可稱唐福昌寺矣

宋西京河南洛寧縣月山惠安禪院記 碑載天聖六年歲次甲子余月冀彫一序記鄉貢進士崔曉撰文并書

宋西京洛寧縣府願重裝石父神記 在鳳翼山頂石神廟東廊壁慶曆八年立南陽張悅撰文并書府願之名諸志不載文內稱東州劉整與當邑助教庫仲宣本鎮彭成劉穆等助饒舉事願想在縣城東但不知何以稱府願又云石父廟史傳不錄得之耆艾之稱所奉者求其宗嗣當時止稱石父名猶雅今增塑娃娃俗遂稱石婆廟可哂

宋龍門山買木院產業碑 在慈雲寺碑戴洛寧縣大馮保鄧樞密看墳寺買
木院叅學僧文禮立石沙門海琛書丹後字多失落有省宣和四年
住持沙門崇辨

金長淵縣重修洪院禪寺記 在今長水鎮北里許碑戴金太定二年歲臨乙
卯律糴賓住持譜證誌洪院禪寺通志舊府志俱無其名碑尾有權長淵縣
事前達魯花赤刺朵兒縣尉前克千僧家奴可補官師之缺長淵隋縣唐改
長水宋仍之金復改長淵又可備沿革攷也

金重修福昌大殿記 太定二十二年十二月福昌寺竹林院賜紫沙門福照
建 明嗣敏撰本縣張崇書

金白馬寺大鐘記 戴嵩州洛寧縣白馬院太和元年八月 日有承信校尉
行縣尉事梁 承信校尉行主簿孟昭武大將軍行縣令顏惜佚名可証白
馬山有宋以來為洛寧地也

元寥天觀碑記 在觀中寥陽殿下歌卧瓦礫中之 漶漫元中統年重修時
五誇雅關經局事文中有洛寧長官劉縣令惜佚名碑陰駢列任文講師提
點經童凡七十餘人無足闕惟有本縣椒竹官儀榮椒竹接年官吉元旭獲
官竹園王屋縣司總把烏古論姓名知邑中竹園曩半屬官與民爭利張中
丞所論竹園賦之累自元已然蓋見我

朝寬大之政聽民自食其利宜乎百餘年來植產蕃昌家給人足也附記之

元重修青陽宮碑記 碑載大統 年二月 日字甚殘缺不可讀

元重修靈虛觀碑記 至元十年壬申漢陽進士杜景朴撰郭志真書

元重修龍泉觀碑記 至元十七年十二月十九日雲山老人楊志全述寓故

縣閑居奧里福山書

元杜人傑題洛書賜禹地詩石刻 在龍頭山禹廟中人傑撰并書有薛元顯
後碑人傑濟南名士與文靖講學洛西七言古詩雄爽論亦正草書度勁如

掃兔飛魚文靖題跋亦有醇儒氣象文靖著作不傳此真吉光片羽也

元河南路洛寧縣月山寺月山信公碑銘 在月山寺至元四年住持沙門桂

巖五

元光祿大夫大司徒壽安山昭孝寺住持釋源宗主雲麓和尚塔至正六年慈雲寺住持講主了□并門徒五

元惟嶢廟記 碑在廟中元至正十年庚寅翰林直學士亞中大夫知制誥同修薛友諒撰中順大夫秘書少監李不作書丹學士篇什久佚茲於廟山搜出文中議論頗正文別載壇廟志中

元龍頭山五嶽觀碑記 碑載元至正七年建有承事郎洛寧縣尹兼管諸軍
□魯勸農事曹瑛可補縣令之佚文內有廣陽之郡龍山為大釋文郡羣也
民人羣居曰郡是此所稱郡不過鄉鎮別名非府郡之郡洛寧置郡載正史中者多不聞鳳翼廣陽之號今邑人以俗寺碑中有鳳翼郡之名遂稱為古

郡此碑又有廣陽郡豈一邑相距三十里內遂有兩郡為正史所不載耶附
正於此固可存而不論耳

各
年
表
古
蹟
志
卷
之
一
中
國
地
理
志

沈家集卷之二

洛寧縣志卷之二

土地部

山川志

山有幹山支山水有經流細流故志山者當遵山海經志水者當遵水經注非是則淆亂無體例且當擇其大者而以小者附之標其古者而以今者附之非是則樵牧荒徠之號不雅馴邑為天下雄塞重巒錯複釐載匪易以水定山以山別水審其陰陽條其脈絡辨其吐納酌其煩簡於是可以辨形勢可以知險阻可以謹鯉沈可以嚴守禦可以導遊可以證古則有如吾之志洛寧山川者

山

洛寧北山自關陝西來入境之首曰東嶠山俗名乾山明史地理志洛寧北有嶠山嶠水出焉北注于洛其東曰穀陽谷穀水所出方輿紀要嶠山在洛寧北六十里志以為東嶠其西嶠在陝州東南七十里硤石故城兩嶠相去蓋

三十五里回溪阪在洛寧北峭山南俗名回阮自漢以前入峭之道皆由此曹公西討惡其險乃更開北道施府志接水經注穀水出峭東馬頭山明史謂出峭山東是馬頭亦峭山也水經注紀三峭水皆北入大河明史以為峭水入洛指東峭水入洛者言之三峭為千峭盤峭石峭皆入陝州於中又別為東西峭洛寧之峭山乃東峭也峭東馬頭至熊耳山為周山一支澠池在熊耳北更入熊耳西陝州在熊耳西交入熊耳南並曲抱其東北犬牙相錯而西南諸山在洛水北者自熊耳望之尚隔陝州界數十里以河南界內山為斷各分支異域然洛寧諸山與澠池熊耳皆皆連體三峭峭山為郡西周山之首

附峭山辨

按春秋時止一峭名自鄭中尉云河左側峭水注之水出河南盤峭山歷湘東流與石峭水合山有二陵全引左傳中語又云河水又東千峭之水入馬又云穀水出千峭東馬頭山三峭之名始著矣至所云穀水東逕土峭北即所謂三峭蓋以三峭土石夾雜叢草絕澗阻於攀躋三峭前土阜

稍夷故附其名曰土峭非三峭外又別有土峭石峭也二峭自因塞叔二
陵之言而分楊升菴春秋地名攷云二峭俗名土峭石峭轉音為土濠五
濠杜子美有石濠吏詩以濠改峭後人遂引全史自同華走石濠指硤石
鎮為石峭唐摺移峭縣地豈知魏太和所置峭縣全控三峭唐以洛寧分
峭縣為二見硤石可城而移之縣非魏縣地亦非舊峭地也愚謂元和郡
縣志西峭全見石阪當是石峭東峭即于峭至東峭之東馬頭摩雲硤永
交處皆盤天為道迂曲峭峻疑即盤峭方與中尉注中相合惜歲月已久
不能確指耳春秋之峭陵呂氏淮南之峭坂各史中峭塞峭底峭隘峭岷
峭中皆在今東峭間方輿紀要引證諸書載入洛寧是也山勢地形千古
不易後代移置郡縣文人繁引曲揣迹紛紜無紀峭道石銘云太峭以東
西峭以西豈又別尋兩地以附會為二峭耶

峭山東稍厚為小峭巔下為峭阪前為峭底關

按峭山高峻極天為洛邑犀山之祖從無能躋其巔者其石為仰天池也
星臺可攀緣而上犀峯皆在足下東稍夷為小峭巔即古城防處下臨峭
底豁矚一線虧蔽光景深接宏農郡真車不得方軌者坡前大溝即峭底
關明設廵檢司署處今名大金溝司久廢小集猶存官房數間迤邐井降
出九龍澗東連長水
古所謂峭南道也

峭山東為摩雲巔與小峭巔連其下為鞍子頭陝永南北甌脫地

按摩雲巔舊志載縣西八十里陝州志載州南八十里并云山高挿空林
木蒼翠每遇陰雨雲霧旋覆愚所云疑即水經注之盤峭也東峭與摩雲

崩相距五里下為鞍子頭以形受名靖山坡地皆疎礫不可耕康熙初洛人首墾有薄收陝人旋亦報墾屢成訟案近年間復於鞍子頭下胡穰村爭佔上控大憲委鄜州守會勘東靖山摩雲巖俱以南北分春為界靖山東廟溝有大澗以澗東西為界樹石表焉周晉爭田楚宋伐桑古今病先王所以重疆場也

緣西靖山脊與陝州靈寶南北連綿交錯盡洛寧西北境界陝靈盧交者為分水嶺

元和郡縣志東靖至西靖三十五里 舊府志洛寧分水嶺有泉分注陝州

盧氏靈寶皆有之

按西靖山俗呼秦王寨其陰為放馬場與東靖俱南一面為洛寧底前里西靖山與寨曰嶺大馬山聯亘而西俱在邑一百二十里界

靖山西南為鵜鷓山

水經注黃亭溪水出鵜鷓山有二峰峻極于天高崖雲舉兀石無階猿徒喪其捷巧鼯族謝共輕工及其長霄冒顛層霞冠峰方乃就辨優劣故有大小鵜鷓之名方輿紀要鵜鷓山在洛寧西八十里接盧氏界施府志接鵜鷓山

俗名關山以山谷有鷓鴣關也山谷水有大小鷓鴣俗音轉為大小鐵溝

鷓鴣山西南聯分水嶺來之山與盧氏界至高山關盡於洛濱

按鷓鴣山分嶺山之支西南與牛心山天臺山黃背嶺距縣一百四五十里不等皆自分水界連綿至高門關而止距縣一百二十里

嶺山南為天壇山

名勝志洛寧天壇山一名壇屋山其山朝暮有影俱深碧色旦則在西直插

天際日高則卧與海接暮影在東先卧後立他山所無也壇上有仙燈巖有

仙貓洞世傳燕真人丹成鷄犬俱昇貓獨不去至今尚有見者

按舊志云叔疇坪相傳禹叔疇于天壇之山迺好事者為之耳相傳有兩耳山

又東南為大頭山

隋書地理志洛寧有大頭山

又南為陽虛山又名元滄山

山海經陽虛之山多金臨于元滄之水河圖玉版倉頡為帝南巡狩登陽虛

之山臨于元滄洛汭之水靈龜負書丹甲青文以授之水經注山海經又曰
自鹿蹄之山以至元滄之山凡九山元滄亦山名也而通輿謹舉為九山之
次焉故山海經曰此二山者洛間也是知元滄之水出于元滄之山蓋山水
兼受其自矣李通志陽虛山在洛寧縣西五十里一名陽峪

又南為大通山

方輿紀要大通山在洛寧縣西五十里有風穴擊之如雷聲

逸東南為天柱山

隋書地理志熊耳嶺縣有天柱山舊志天柱山在縣西四十五里長水鎮舊

府志天柱山有王官谷

按舊志有礪子嶺
在縣西五十里

南濱洛水為檀山即龍頭山

水經注洛水又東逕檀山南其山四絕孤峙山上有鳩聚俗謂之檀山鳩義

熙中劉公西入長安舟師所屆次于洛陽命參軍戴延之與府舍之虞道元
即舟遊流窮覽洛川欲知水軍可至之處延之屆此而返竟不達其源也李
通志龍頭山在洛寧縣西四十五里上有快風軒下臨洛水

峭山迤東北為橫塘山

即黃塘山

方輿紀要大宋川出洛寧北八十里橫塘山舊府志大宋川出黃塘山

又東為磁石山

隋書地理志洛寧有磁石山

按磁石山即騶齒山轉音之譌在縣西北五十里又縣西三十里仁壽山
四十五里寶泉山四十里紫蓋山四十二里九轉山五十里魚脊山皆與
磁石山相連

又東北與陝州熊耳山馬頭山相望曰五峰嶺曰泉龍嶺

按舊志五峰泉龍月山
皆在縣東北六十里

又東為九鳳山接熊耳東南跨灃陝交界洛寧民取

按舊志九鳳山在縣東北七十里去
熊耳十五里又有梁家寨山折而南

又東南為香爐山盡洛寧東北界迤南入宜陽西北交皆峭之支輔

按香爐山在河底鎮八里縣東北二十里舊志二十里誤與
三邑界名曰藕池村至縣八十里宜陽九十里澠池三十里

峭山東南為嶢峴山

隋書地理志宜陽山有嶢峴山今地入洛寧名勝志嶢峴山在洛寧縣西北三十

里相傳廣成子憇之所上有龍井及河濱廟十道志廣成子往來嶢峴放

逸山谷

按嶢峴山今呼為廟山有元
薛友諒碑記在嶢峴廟下

峭山自嶢峴山東南抵洛寧縣治北為鳳翼山右為延壽山連綿至嶢山盡大

宋川

李通志鳳翼山在洛寧縣北一里形如鳳翼延壽山在縣西五里側出香泉

飲之則壽

洛寧縣南山自盧氏熊耳西來入境之首曰十八盤崩又東南為象車
之末

方輿紀要洛寧縣西南一百二十里有十八盤崩接盧氏縣界舊志象車山
在縣西一百四十里

按象車山自盧氏鷄籠山來盤踞二十里在盧東嵩北交雄聳
為邑西南屏障清樂城肩鳳凰羣山皆拱之府志舊志俱失載

又東北為松陽山又名大界嶺

文淵閣校本近
刻松陽謠作楊

水經注松陽溪水出松陽山北流注于洛 唐書地理志長水縣有松陽故

關 施府志縣西八十里崇陽鎮南通大界嶺為崇陽溝崇松音轉楊陽

字謠崇陽即松陽大界嶺即松陽山

按施府志未見 文淵閣校本為松陽故辨之界
嶺自盧嵩界橫互至宜陽界邑南諸山皆受其脉

松陽山迤南為駝羊山甘溝山

明劉勳崇陽巡檢司署碑記關南駝羊山甘溝等山銀礦出其間知縣于淵

封閉如法請設巡檢司專巡糾

界嶺山東為船板山

即積板山蓋船之音
諺其下為孫洪澗

宋史張玘傳紹興二年張玘救長水縣遣將謝昇守船板山

按船板山聯屬有望夫

山桑樹嶺至洛濱止

又東為懼來山

舊志懼來山在縣西五十里洛水之陰

按雍正二年知府張漢立岳武穆行軍過此碑於山
前因楊再興大戰全兵於孫洪澗故立石以標之

又東為馬英山

舊志馬英山在縣西八十里

按馬英山相接又有飛鳳山脚跡山錦
屏山楊栢山山下俱有溪見溝洫志

界嶺迤東北為金門山

後漢郡國志宜陽有金門山竹為律管水經注金門谿水南出金門山北逕

金門塢西北流入洛黍良谷水南出金門山東北流入洛李通志金門山在洛寧南三十里一名律管山九州要紀金門之竹可為笙管

按漢書律歷志黃帝使於綸有大夏之西昆侖之陰取竹于嶰溪之谷以生而空竅厚薄均者斷兩節間而吹之以為黃鍾之宮制十二簫以應鳳凰之鳴應劭注大夏西戎之國孟康注嶰溪昆侖之北谷也未聞使冷綸取竹宜陽以造律呂之說九州要紀所云金門之竹可為笙管不遇言竹音之合節耳舊志引玉泉記取宜陽竹為笙管河內葭葦為灰吹之以候陽氣遂以取竹金門為傳倫而好事者稱為金門鳴為嶰谷粵東中宿峽為黃帝庶子大禹仲禹隱居之地諸志亦謂冷倫取竹於此谷名嶰谷選名冷倫文人附會去事多譌以傳訊自軒轅以降歷代定律呂自多用竹不知何時抑伐為笙管等籥之用如蔡邕之柯亭李舟之煙竹耳

文獻通致金門山城東南北三面峭絕天險周置兵於此以防瘠

按施府志云按水經注謂金門溪水南出金門山乃洛嵩界嶺大山志謂在洛寧三十里乃據界嶺北山山形如金字者言之今金門山俗呼金山其山自界嶺而來內重巒疊障周遭四十餘里統曰金門山不必分金門山金山也

金門山迤東南為梁王頂

按邑人張鼎延有梁王頂詩今土人亦呼為蓮花頂距縣七十里

梁王頂東北為陰山即神頂山

水經注太陰谷水南出太陰谿北流注于洛隋書地理志宜陽有陰山施府

志今洛寧古宜陽地隋宜陽陰山即今洛寧縣東神頂山俗名蓮花頂其下

太陰谷水乃陰水之谷即伊陽有陽山伊北有陰山兩山遙對陰陽分受名

自古矣

按神頂山上有神頂寨即明大將單徐達降元守將張百戶地明仍設神頂守禦其山高聳雲表雄瞰西洛南聯玉女鳥勝二峯其下為獅子巖王

輝神頂嶽廟詩云四閭柴籬坐相望突兀高峰劃大荒誰復凌空噀帝坐我今乘勝挹天漿香烟古廟通靈氣石路神邱點太陽凍草暮雲無限意

漢家封禪舊山房廟與寨俱廢距縣三十里

又東為白馬山即白馬寨

宋史張玘傳紹興二年玘遣將陳俊守白馬山

按白馬山在縣東南二十五里下有白馬寺唐貞觀十年建山頂有白馬寨明於洛字設白馬寨守禦所明萬歷間重修白馬寺碑記中有云白馬寨為白馬山中尖特出高摩層漢絕頂泉飛如大將單傑起於部伍其山雲霞出沒光精燦爛浮嵐暖翠山澤通氣若聞鐘銘之聲所謂長淵十景

白馬昏鐘
其一也

白馬山東曲抱清風山聯宜陽女兒山盡洛寧東南境舊志清風山在縣東南

三十里

按女兒山在宜陽西八十里自洛寧城望之邵子詩中所云格虎張旗如在几席上蒼翠可挹昔人以白馬女兒之雄並稱實分山而連體耳

水

洛水出上洛謹舉山

地理志出冢嶺山山海經出上洛西山水經注出謹舉山東北過盧氏熊耳山又東入

洛寧界

洛寧北山之水首入洛者為高門水

水經注洛水又東高門城南即宋書所謂後軍外兵龐季明入盧氏進達高門木城者也洛水東與高門水合水出北山東南流合洛水枝津水上承洛水東北北逕石勒城北又東逕高門城北東入高門亂流南注洛施府志按洛寧西界有高門關其水即高門水也去縣百五里

按高門水即今大溝河水發源盧氏香爐山二十七里入洛寧境合境內牛心山水入洛以溝東西分洛盧二邑界

又東為黃亭溪水即大鐵溝水

水經注洛水東逕黃亭南東合黃城溪水水出鵝鵠山東南流歷亭下謂之

黃亭溪水又東南入于洛

施府志水經注有大小鵝鵠之名黃城谿水今俗呼為大鐵溝水蓋大鵝鵠水之誤也

按大鐵溝水發西靖山下經鵝鵠關左合東靖之碾底溝上郭溝水至故城鎮東入洛

又東為小鵝鵠水即小鐵溝水

水經注洛水又東得鵝鵠水口水北發鵝鵠澗東南流入于洛施府志小鵝鵠澗今音譌為小鐵溝

附靖水辨

按水經注三靖水皆入大河惟明史地理志云洛寧北有靖山靖水出焉注於施府志西度水至洛寧河底村有水西來會之水出靖山東即明也

所云今查河底村西來小溪其源皆十數里而近峭山在西北與河底村
中隔厚雲黃塘嶺等大山又隔刀環大宋二川峭水豈能越之而東是
府志亦懸揣之詞惟東峭山峭底下有大岔溝與峭山西所出之龍潭溝
逕仰天池刀山下東流兩水合名九經澗又名九龍澗至澗水西入洛乃
與明史相合九經澗上連阪井降達長水為古峭
南道是水即峭水無疑後之虛心攷古者正之

又東為元澗水

山海經陽虛之山臨于元澗之水水經注洛水又東北流至陽虛山合元澗
之水山海經曰洛水北流注元澗之水是也李通志元澗水在洛寧西五十
里出陽虛山北流入洛

按水經注以陽虛元澗一段列於蟲尾山水之下武里水之前
恐有錯謫李通志名勝志皆以元澗入洛寧故施府志仍之

春秋合誠圖黃帝游元澗洛上與大司馬谷光左右輔周昌等百二十人臨
之有鳳啣圖置帝前春秋緯黃帝坐元澗閣上鳳凰啣書致黃帝前其中得
五始之文

又東為僕谷亭北水

即長

水經注洛水逕僕谷亭北左合北水水出北山東南流注於洛施府志洛在洛水南水在洛水北道元據亭記水實今洛寧西四十里之長水也今名白水澗

又東為宜陽北山水即邱靈峪水

水經注洛水又東左合宜陽北山水水自北谿南流入洛施府志洛寧為古

宜陽地故山曰宜陽北山今俗呼為馬店峪水在縣西二十五里入洛

按馬店峪水即邱靈峪水以至馬店村西入洛故名曰長水又有平峪水離城三十五里鳳毛澗水離城四十里長水東有畢澗峪水離城十八里其下皆有渠水經注無之府志不載

又東為蠡城西塢水即今嶢澗

水經注蠡城西塢水出北四里山上原高二十五丈故澗池治南對金門塢

水南五里舊宜陽縣治也

施府志城西塢水即今洛寧縣西十里嶢澗水曰水出北四里山上則蠡城當在嶢澗山南四里矣又曰水南五里舊宜陽縣治故洛寧有宜陽北山

按蠡城塢詳見古蹟中
魏徙蠡城縣治之下

又東為款水即鷹山澗水
又名金絲澗

水經注洛水又東合款水水有二源並兩川逕引謂之大款水也合而下入

洛施府志款水兩川逕引一為洛寧東鳳山澗水一為洛寧東漢源澗水兩

水相去四里今不合流故別著北溪於下

按施府志所言尚須參考鳳山澗水出鳳翼山左逕城東關是大款水有
寺峪澗水出鳳翼山右逕城西關相距不過三里疑是小款水今名禮樂
二水故曰二源并發雙川逕引鄜道元注水經時洛寧尚
未設縣置城必合流入洛置城後乃分東西繞城行耳

又東為北谿水即漢源澗水
又名金底澗

水經注洛水又左合北谿南流入洛

按漢源澗永出姜岳巔經漢源塞南入洛
向不合流故知施府志此語尚須參攷也

洛寧北山之水至宜陽入洛者為昌澗水即大
宋川

水經注昌澗水出西北宜陽山而東南流逕宜陽故城南明史地理志洛寧

有大宋川下流為宜水方輿紀要大宋川洛寧八十里之橫塘山至宜陽境入洛施府志大宋川一名錦陽山在宜陽一合塢西入洛水經注昌澗水於一合塢之上即此水也

為杜陽谿水

即刀環川

水經注洛水又東合杜陽澗水山北出杜陽溪東南至一合塢東與磐谷水合亂流東南入洛方輿紀要刀環川源出陝州界經洛寧至宜陽入洛亦曰昌谷水施府志刀環川在宜陽三鄉鎮東入洛水經注謂杜陽谿水逕一合塢東入洛即刀環川也紀要與李通志謂刀環川即昌谷不知昌澗乃大宋

川非刀環也

按杜陽谿今俗音譌作渡陽河即刀環川也其山發嶠山後為磨溝河合嶠嶠山之大石澗小石澗及蒼龍溝等水至賈溝入宜陽境三鄉鎮東入洛舊志以為出黃塘疑誤

為西度水

即宜水

水經注熊耳山際有池池水東南流逕宜陽故城西謂之西度水又東南流注于洛方輿紀要宜水在宜陽西五十里本名西度水洛寧縣界流宜谷西又南注于洛施府志西度水在今宜陽韓城鎮東水經注西度水逕宜陽故城西故曰西度宜陽故城即秦甘茂攻韓拔宜陽之城是韓城在水東不在水西今鎮非舊地矣且西度水即宜水水北曰陽宜水自城西東南流域在其北故曰宜陽至大宋川亦名宜水者以逕宜陽故郡南也宜陽故郡今在洛寧刀環大宋開水得宜名尚在陝郡之後

按西度水非穀水水經注穀水出馬頭山穀陽谷流為澠池川又東逕新安合澗水入洛終志以前誤以發源熊耳山池之西度水為穀水河終志知辨其非而仍別穀水于洛寧水志未能據水經注方輿紀要等書直削之今人猶呼穀水河至施府志改正而兩水之名始定願安得提愚民之耳一訓之耶西度水出澠陝界熊耳山天池流逕陝之雁巖關南至頭峪入洛寧境至河底村又有南河從陝州禮村來相合下流韓城入洛洛寧南山之水接盧氏境首入洛者為背谷水

通鑑綱目宋元嘉十七年柳元景薛安都將兵出宏農叅軍龐季明乃自背

谷入盧氏

按水經注龐季明入荀公谷又云入盧氏逕達高門水城荀公谷即孫洪
峪高門水城即高門關入盧氏路必逕從孫洪峪下峪越高門是質谷即

峪下

又按峪水出大界嶺西隄子山至下峪村東北注
洛象車山有七溪分注洛水經注不載故畧焉

又東為松陽溪水

即崇陽
溪水

水經注洛水又東松陽溪水注之水出松陽山南流注于洛施府志溪水出

松陽山底崇陽鎮北流入洛今謂之崇陽溪水蓋松崇音近而譌也

又東為荀公澗水

即孫洪
澗水

水經注洛水又得荀公澗口水在南山荀澗其水歷谷東流注於洛施府志

宋史楊再興復長水縣殺孫都統明日再戰於孫洪澗大破之盡復西京險

要洛寧志孫洪澗在縣南六十里疑所注所謂荀公澗孫荀古音通荀卿亦

曰孫卿是已

按孫洪澗發源船板山下

又東為庫谷水即底張峪水

水經注庫谷水有宜陽山南三川並發合為一谿東北流注于洛施府志庫

谷水今底張峪水出洛寧南山道元所謂三川並發者右為應陽川左為奎

陽川中一小川合流俗又呼為禪子峪

按應陽川發源馬塢山奎陽川發源飛鳳山至灃碑寺前兩水相合至底張村旁入流

又東為候谷即候峪水

水經注洛水又東候谷水出南山北流入洛洛水又東逕龍驤城北龍驤

將軍王鎮惡從劉公西入長安陸路所經故城得其名施府志候谷今名候

峪在洛寧西三十五里道元記龍驤城在洛水南候谷東由谿西則龍驤城

當在洛寧西南三十里方輿紀要云四十里

又東為廣由澗水即景陽川

水經注廣由澗水出南山由谿北流逕龍驤城東而北流入於洛施府志廣由澗今為景陽川在洛寧縣西二十五里入洛

按景陽川發源腳跡山至方村入洛即南雷公澗水

又東為直谷水即大豐谿水

水經注洛水又東直谷水水出南山北逕屯城西北流入洛施府志直谷谿

名大豐谿在洛寧西二十二里

按大豐澗水發源大界嶺舊之大峯山疑即此水所出豐峯音譌耳

又東為金門谿水 秦良谷水

水經注洛水石會金門谿水南出金門山北逕金門塢西北流入洛又秦良谷水入焉南出金門山開山圖曰山多重固建武二年強弩大將軍陳俊轉擊金門白馬皆破之即此也而東北流注于洛施府志道元謂金門谿水秦良谷水俱南出金門山乃今所謂金門山南大山也今所謂金門水其東水

今猶名黍良谷水兩水既會金門山前北流二十里乃出澗口入路道元記
金門水入洛又記黍良谷入洛似爾時兩水分流出澗口與今有異

又東太陰谷水即陶峪水

水經注太陰谷水南出太陰谿北流注于洛施府志太陰谷今為陶峪陶乃

太陰今音峪谷義同在洛寧東南十五里

接陶峪水發源梁王頂下與神頂山小澗相合至青羊宮前入洛

又東白馬谿水

水經注白馬谿水出宜陽山澗有大石殿狀如馬故谿澗以物色受名也谿

水又東北注於洛

接白馬澗水發源白馬東之瀨池山山頂有池大四里許飛泉下注至白馬寺雙珠環山右合西溪水下為洪崖河迤至洪崖鎮入劉召村宜陽界入洛水經注所謂宜陽山澗今地入洛寧縣可証

金門山賦

明張論

混濛既闢輿蓋攸分川湯湯以歸墟山萃律而鳴躡嶽鎮斷餐以挿天罔鑿
連蟻而摩雲唯元和之敷薄有茲山之嶙峋節氣宣化助教流芬疏二儀之
沴結發三籟之清音邕之情之底滯而淪久痼之衰心吾蒐其脆毓之符契
原巔屬於鉅靈兼溯其脉絡之系包總條支於崑崙嶺嶺而嶼南山跨蓮
岳以起毓秦鸞翔鳳翥端綏垂紳岌岌垣垣硯礪崩岩嶄嶄巖巖嶧嶧嶧嶧
以弭節於有雉之表溪水之清其尊若君其闕若門厥名曰金厥形維均是則茲山之
倣載可以繫拒泰而細陳爰是地吐清淑天生神物揆羣空之叢篁紛質營
於林麓幹龍奮以干霄種蟬解而脫骨直兮比有道之矢虛兮擬大度之谷
忠兮縈雷陽之思考兮搃益宗之哭戢羽堦城標君子之亭亭執袂羅浮友
大夫之稷稷溝稜稜兮就夷節磷磷其橫出茲嶰谷之所繇得名洵漢志之
可信可述遊爾道合天灼神叶皇表發睿思於炎帝諦聲氣於伶工截筒分
律依咏和聲葭灰載飛緹素云衝通六六以作管隔八八以相生妙三分之

損益旋七聲而為宮雜變宮夫變徵偕二舞以奏五夏兼去滅乎執契節南
呂而比應鍾呂威鳳其來儀應雌雄之和鳴鏘鏘噦噦啣啣雖離人鬼咸格
朝會攸同軒轅堂上燕衍房中備六代之韶護日雲門與咸英京房疎而成
謬減黃鍾之九寸拓跋陋以多拘格水準而不行啻新聲之戾古笑審音而
官聳譯琵琶於祇婆銷金石於牛宏占亡國之隳殺識不競乎南風蕭幽咽
而引鳳遂清越而化龍聞臨階之管籥翕兩序之笙鏞皆斯山之取材聲鄙
嶧之孤桐所以山號金門亦稱律管自邃始以迄無窮夏徽音其未斬曩揭
宜陽之名區今標洛寧之絕巘驅太平萬畝肅兩伏而前導襟滬雖昌穀砮
砮確磬琅琅磔磔以唱呀而道遠左揖龍嶂右矚獅岩拉烏啄之仙掌拍巧
女之弱肩顏斗絕而壁立背翁菴以嶮屹清風拂檻以習習明月窺戶而娟
娟維南則千峯轟轟突兀騰靄樵蘇是經狼虎穴馮伏牛陸渾空桑葦巖羊
腸蛇蛻鳥度猿攀歷浙陽浮丹水凌九臯馮大隗紆曲迂回以南合於鄆襄

荆宛之間維北則二陵風雨三晉雲山嶢嶢跨神井以居地底柱帶鬼穴而
撐天南河興五子之歌聖窟築昏靡之巖栢谷醉漢帝於主翁蘭昌遺玉盃
於人間峭禹濇瀨熊耳鈎連鬱律渙洙絡繹蜿蜒銜為鳳翼之原維西則陽
屋開文字之鼻祖龜窩呈理數之淵源長水浩森隋陵亘綿高門差峩鵜鷓
纂巖東溝南折高高下下盤為三六之阪方之上天之難維東則神頂韓嶽
龍窩鳳泉反曦晷於西照分夜漏於黃昏錦川朝文几以潑泗嶽嶺抱鹿跡
而環漩風浙瀝以襲連昌雲鬣翹而護平泉步凌波之羅襪縱轡馭於澗瀾
總斯山之盤礴樹千秋之大觀整不律以探養吾靡得而盡言若乃天中佳
麗士膏沃若四方均道陰陽會合珍禹異卉嘉疏醞酌春華絢爛鋪滿地之
縹緲秋實離披霏川原之紅紫白兔偕馨馥而鶴鶴雉鷄並河魴以躍躍燕
丹柴而炎炎掇梅英之灼灼乎手既攤思於兩都余以姑舍是而不作至於
靈湫幽壑官靜泓深二氣訢合恍歛然薰轉孽為祥致雨興雲歐豐隆而召

列缺灑雱歲旱之甘霖魃虐寢怪野愠不焚錫廣惠之宸章制琅琅而麟
麟斯又山靈之錫祐年穀之順成而借龍伯之名以行其神以顯其仁者也
若夫嘉名之錫義實閎博或以為膠盪之自出竟披沙而難捉抑以為六書
之象形差依稀其杪未余思夫五行首金以通木八音先金而次石鐘律雖
始於坎一之宮摩盪實肇於乾一之宅琯吹律而萬事畢金聲樂而八風協
名可撮始以槩終義實顯著而烜赫金門之義蓋始諸此乎或疑之曰配之
稱伶倫也踰阮隃隃崑邱取竹於大夏數萬里之外茲近而括之茲山將無
縮地紀而誣山靈剽盛美而夸流俗徒浮名之皎而盡盪夫情實歟曰是何
言之易也聖皇開天宅中建極異國殊方風氣殊僻即有熊之遺軌譚者述
稽而靡一若首山之銅荆陽之鼎具茨之駕崆峒之蹕皆諸夏之奧區匪遠
騁於輒跡豈蕃音尚象曾中原之乏樹乃鑿山通道以借響於重譯又豈渭
川之干畝會稽之竹箭維揚之箇輅有斐之淇澳皆材弗中乎笙簧聲不諧

夫鐘律乃必市竒掠異沙棠蕢草洵水丹粟之絕域古稱今証情喻理析母亦唯是嵩雒地中表五畧測太和環應清濁攸叶譬蜀山之子鍾若蕤賓之方職聚氣類以相求或可破曼衍之誕說者也且夫宜陽金門係地以山河內葭莩灰飛氣傳志在律歷星日班班考宜陽之古縣貫韓城之顏垣固近取而可得燦沿革之犁然何乃舍中原足徵之文獻信志怪不經之迂譚萬澶漫而千悠謬迷莊愾而望冥山豈不大可涕洟而咏嘆也耶嗟不穀之後死道未墜而在人恍皇風之沕穆進六相而逡巡當勝國之季年余皇祖曰仲文違馮翊而就邾邠罹兵燹之熒熒遺皇妣於少祖遵洛許而西循愛茲谷之幽深粵暑涼其靜露氣鬱葱而佳哉儼羣龍以作合語地則東嵩西華南伊北洛靈弗靈於此也語人則前伊後傳左周右召傑弗傑於此也道然賞心天啟誰奪爰卜爰築是垂是作闋九世而逮我躬當四朝之炎燦謬承恩而蓬鴻達曾三役於邛笮驅馳仗鉞塹山烟壑蘭蠻既膏斧而隸版圖水

旒亦鮮辦而就茂索還朝宗於江漢奠四維之嶽嶽為德為民不愧不怍總
三生已經之晨途非一邱歸休之所託吾將卧茲山以長老兮了浮界之塵
壒登絕巔以舒望眼嘯天風而啜藜藿噫戲吁有溪如帶有山如蠶蟬蟬百
年勞勞安憩竹素之微名可擲景鍾之永業焉繫匣長劍於螂蟻之穴索繫
弓於廣莫之肆聊拄杖兮覓葛陂竣大雅希聲於永禩

清寧廟志

卷二

三

欽定

洛寧縣志卷之二

土地部

溝洫志

自周官勸人掌蓄水出水澆水均水舍水瀉水之法而水利興一涓一滴皆在
民命脈也

聖天子念切民瘼廣興水利洛邑官師有引漑獲效超拜方州者矣洛邑之渠
溉農田兼溉竹地民生朝夕所賴視他邑各殊講求尤亟故敎舊志所載凡五
稽之以重民事夫山澤通氣用之則靈昔人云天下無不可醜之川無不可濟
之泉在為民上者留意耳誠能疏淤防漬相地勢而變通之振興勞來不啻沛
之膏霖飽以漑乳焉郝賈諸公非前事乎

舊渠

方輿紀要宣利渠在洛寧縣西三里又有新興渠在縣西二里萬箱渠在縣西

一里龍頭渠在縣西四十五里皆引洛水以溉田甚為民利

開濟各渠官師姓名俗稱復興渠宣利渠為趙清獻公開無所據

明知縣郝敬重濬萬箱渠見志知縣于淵開天一渠見志知縣賈宗悌重濬復

興渠見志及張論志

國朝知縣佟賦偉重濬宣利永昌復興民樂安業五渠新開永勤永利萬箱小

石雲甫盡力于畝見志知縣高式青重開天一渠重濬萬箱宣利渠見志

永勤渠廢知縣單履咸改開萬箱渠於北原見志

今渠大小七十二道分洛南北引洛水及引山澗水注之

洛南引洛水渠

雲市渠自水南村西開引由水南村里村古村磨頭村孫洞村南洞村方村

共七村除水南里村古村三村不受灌外餘四村灌至方村西止上下十

五里許方村南洞二村為溝澗阻隔不興工亦不受水磨頭孫洞二村除

冲損外餘地十頃餘磨頭五頃孫洞地五頃餘

盡力渠自孫洞村北開引逕西王村東王村陳宋大原坡頭五村上下長三十里灌地二十五頃零尾水歸洛河

復興渠自西王村西北開引東流十里至陳宋溝東分為正渠支渠灌東西大元東西坡頭寨子五村約二十里灌地十七頃七十畝餘水歸民樂渠民樂渠自坡頭村北開引經寨子村灌盧底村二頃小珠村一頃八十畝共三頃八十畝餘水歸安業渠

安業渠自寨子村北洛河灘開引由小珠草庄頭峪澗口張家灣張村寨上東張村七村上下十五里共灌地三十四頃

樂成渠在凡村里乾隆四十九年開引自孫洞村起至方村東山河口止南臨盡力渠北臨洛水長八里許支渠八道所灌俱方村地共計地四頃二十二畝九分

廣義渠康熙五十三年開引自孫洞北起南臨孫南洞地畝北臨盡力渠東
西長十里許支渠六道共灌地六頃零

廣成渠乾隆十五年開引至柳溝口起至高橋溝口止長四里灌鯉村地共
五頃十一畝

洛北引洛水渠

永利渠自馬店村西開引逕馬店東仇張村崖底共四村馬店灌六十畝東
仇灌一頃張村灌一頃六十畝崖底灌一頃二十畝共地四頃四十畝

萬箱渠最人自東仇村南開引渠尾至東寨村東止由崖底塢西塢南塢東
小原王范東西經局東西關譚庄魁樓楊家斜孫珠柴家巷吳村東寨村
東止長三十餘里以王范西石橋分溝東溝西各有支渠溝西支渠名腰
渠長五里溝東支渠名廣箱渠長三里共灌地八十頃零四十六畝其渠
逕白水澗麻衣溝沙河磨溝河藥水澗禮水澗唯嶢澗每有暴雨號水為

害防護之功宜急

小石渠由張村開引經塢西塢南塢東王范東西經局譚家庄南位孫珠吳村柴家巷灌十一村長二十五里

寧利渠自經局村南開引由南位村吳村南在禮村北在禮村余庄村新庄溪村東庄冀庄新店灣至岷山村上下二十里灌地五十頃餘

永昌渠自經局村南開引逕譚庄高庄南位吳村在禮五村不受水自麻園溪村冀庄岷山馮庄共五村灌地一千五百五十畝長十五里

天一渠自東仇東南疏引洛水灌北張村渠尾至沙河止長四里中分二支渠一東南一東北共灌地六頃餘水歸張村峪沙河

引山澗水渠

吳村里山澗渠

鳳山澗水發源竹家原逕風口村東疏引分水渠三道東渠灌東關寨下地

畝西渠灌龍王廟地畝中渠灌東關村南地畝

漢源澗水從江岳村嶺下發源流至漢源寨南疏引灌柴家巷吳村孫珠村

南位村在禮村五村

王范里渠

王范北西湖峪水發源磨溝王范街東退入洛內疏引支渠三道一山神廟

渠灌王范村北地畝一觀門渠灌石橋東地畝一石橋渠灌王范村地畝

嶢嶢澗水發源羅村溝至王范村西入洛小原村支渠一灌村南地畝塢東

支渠澆灌村西地畝

東仇里渠

張村北澗峪河從武家川發源至張村東入洛河自瑤院村河西疏小渠一

道灌張村村地一項餘

畢澗西渠自嶢嶢發源渠口自法王寺西起流峪口外至張村灌地五項餘

嶠曉澗渠

羅村溝口有渠口分為二上渠灌塢西村下渠灌塢南村

北澗峪渠

崖底村峪口渠灌崖底村

馮西里渠

白水澗渠從峪口引水起餘水入洛河

邱陵峪渠從峪口引水起餘水入洛河

平峪河渠在峪東南從峪口引水起餘水入洛河

王呂里渠

金山廟村東大溝渠自沙坪引山澗河水入渠灌金山廟一村地八十餘畝
行二里許餘水從金山廟後歸本澗河內

觀灣村磨渠渠口自登子崖根引山澗河水入渠灌上磨竹地一項餘行五

里許水從竹園仍歸本澗河內

王召里中興渠接金山山澗水渠在陳吳村西南灌中益村爐底村竹地一頃七十畝約五里餘水歸山澗

原村里渠

澗口村西山澗渠灌地五十畝長半里許餘水歸安業渠

原村里洪崖渠在洪崖村東引白馬澗水水發源白馬寨北流二里許入洛澗東河東渠渠口在洪崖村南引白馬澗水北流三里許入洛

小石渠渠口在中方村北引白馬澗水北流半里仍歸白馬澗以上三渠俱康熙十一年開

大宋里渠

引聖渠開自康熙十三年取水聖水寺三里許渠內出泉數十眼名益聖泉永資灌溉東宋村程家庄西村三村長十五里灌地三十餘頃餘水歸渡

陽河

錦陽渠雍正八年開修渠口有西塢村西起引錦陽川山澗水水入渠流一
里過溝灌西塢一村地五頃餘上下渠計長三里餘餘水仍歸錦陽澗河
渡陽渠雍正十二年開修渠口自馬村西起引錦陽川山澗水水入渠流二
里過溝灌馬村郭村地五頃長四里餘水仍歸錦陽川澗河

錦陽川渡陽河又有渡陽渠一道渠口自乾隆二十六年重開又有渠口在
方裡村西南離城二十五里灌地八頃餘餘水仍歸河內

蒼泉渠發源聖水寺北灣灌大宋村賈家瑞東宋村地五頃餘至東宋村南
止餘水仍歸渡陽河

安聖渠自康熙八年開發源大明寺西灌西村祁家溝地兩頃餘至岷山地
界止餘水歸渡陽河

牛庄溝水發源老張溝牛庄一村灌地七十餘畝至牛庄村東止餘水歸渡

陽河

楊坡里山澗渠

河底鎮渠渠口從街西頭田灣全水澗入渠灌地八十畝餘水仍歸全水澗
長二里

河底鎮北山水小渠渠口從街北入渠灌地三十畝餘水歸本河長半里

牛曲村昌河西西洋渠渠口自程頭村北起灌至河西村西北止計長四里

共灌地二頃餘水歸入昌河

原剛村昌河東東陽渠渠口自楊坡村北起灌至村東沙堰止長四里灌地

二頃餘水歸昌河

瑤頭村昌河東陽渠自桃峪溝口起灌牛曲瑤頭二村至村東止長六里灌

地二頃五十畝餘水歸昌河

永泉渠原屬古泉康熙三十六年開渠口自西山底村東邊西崖根發源引

灌紅嶺竹地中有山澗水亦入渠內二水灌溉上下五里許乾隆四十六年有山底村開支渠者控縣堂斷不許侵占渠道私開著為令共灌竹地七十餘畝

底前里渠

白衣澗龍騰渠渠口自后灣村后起灌龍騰西長水竹地六十六畝餘水歸洛河

孟家峪河磨頭渠渠口自孟家峪起灌河磨頭竹地八十畝長三里餘水歸洛河

底后里渠

磨頭村青頭渠渠口自紅眼泉起長五里灌地一項餘水退入山澗

黃村山澗渠渠口自鳳翼山根起至黑竹園長二里灌竹地五十畝餘水退入小河溝

孫洪峪小渠渠口自鳳凰山根起至溝口止長十五里灌地一頃二十畝灌
竹九十七畝餘水歸洛河

樊村里渠

馬營村大豐峪河有太一渠渠口自北召村西起灌馬營村竹地五十餘畝
長四里餘水歸山河

天一渠渠口自馬營村東南起灌馬營村竹地四十餘畝長四里餘水歸山
河

興龍渠渠口自馬營村東起灌馬營地五頃餘長三里餘水歸洛河

景陽川河支渠三道一支渠渠口自郭庄起灌西山底郭庄二村竹地一頃
八十畝餘水從西山底北歸河內二支渠自張溝起灌中方竹地五十畝
餘水歸河內三支渠自中方北起灌北村竹地六十畝餘水自北村北歸

河內

官底村豐樂渠渠口自凡村寨根起長五里灌地三十畝餘水歸山澗渠
小許村山澗渠渠口自凡村寨根起長五里灌地五十畝餘水歸下河灣
王召里渠

均利渠前名樂意渠發源爐底村西南村民引竹林泉水灌地五頃餘長三
里許歷年已久因寨子村民曾借水以溉後遂起爭辨縣訊斷令爐底村
前五日引水寨子村後五日引水各分利澤以睦鄉鄰當改名曰均利渠
立案永遵焉

原村里渠

會家村祖師廟西山澗渠水傳流下寺北山神廟後方圓灌地四十畝行二
里入洛河

大宋里渠

錦陽川山泉水發源流峪溝灌方里村地五十畝餘至村東止餘水歸渡陽

河

楊坡里渠

楊坡村東上東陽渠渠口從岳灣起灌至元崗村寨子溝東止計二里灌地

一頃五十畝

下東陽渠渠口從陳家溝起灌至寨溝止計一里灌地一頃

指昌河渠渠口從刀環下河口起灌至六潘溝門止計二里灌地一頃二十

畝

白沙渠渠口從刀環村寨溝起灌至楊坡西場房止計三里灌地八十二畝

刀環村小河口渠渠口從將灣起皆民修房院水不能行渠道廢今新開渠

道灌至刀環村北計一地灌地七十畝

楊坡村崖底渠渠口從燒瓦窰起灌至楊坡村東止計遠三里灌地五十畝

河西村渠渠口從河村南崖根起灌至河西村東止計一里灌地一頃三十

畝

刀環村南澗公濟渠引昌河西澗水起羊山根止虎頭寺約一里灌地七十畝

名留渠在凡村里西王村渠口引馬營村北張埧村南山澗水灌地四頃長一里許餘水歸馬營山澗

湧泉渠泉水二道一發源小原村東崖一發源中峪西崖灌塞子村竹地九十七畝長五里餘水歸中興渠

人和渠在陳吳村渠口接金門川澗溪水從德里村東南入渠灌地一頃至中益渠止共長三里餘水歸永興渠

賈候重開福興渠記

張論

永治之前寶俯浴水西抵長澗東達宜陽皆平川大陸可引落水灌注蔣藝不苦旱曠者迺南有渠曰福興謂福利所自興也或曰福興美其既塞而復

通也。里故老鮮悉其始。河徙無常。渠隨於塌。蓋百有餘年於茲矣。賈侯任永既久。凡域中諸渠如萬箱沙渠等。則既疏通利導焉。因廵歷。雖表徧搗舊跡。曰。茲莫非遺黎。何獨不分潤於宓妃之靈也。乃因醫官李達。節言輪粟四十石。捐俸三十餘金。分命渠長韋可。太雷國治常九齡等。刻日督濬。二閘歲而工畢。督水之丞實惟徐君守敬。渠經陳宋村之北。介大溝。每苦為潦水所沒。候設法用石甃砌。令水潛出其下。潦水凌駕其土。若複道然。兩水安流。毋相侵也。石渠之長二十尋。其鑿石凡百尋。馬大原村南有地三百七十餘畝。勢稍高。渠身稍下。又為開支渠。分注使無遺利。計用石可三十尋。皆萬曆三十九年四月也。乃徐君竟以督課。濯薰奄然。長歎惜矣。邈以董其任者為今。丞薛君街坡頭之陰。渠所經亦有溝水之患。亦為架大石橋。空其中。受水以達。凡用石七十尋。以今四十年閏十一月。而渠底績自始。事至功成。候越度勞來。月必數。四迨水瀉。渠平禾黍布野。而後喜可知也。按渠起於陳宋保王李村。

北止於王召保寨子村東東西長二十五里南北濶二里零闕保凡二陳宋王趙闕里凡三陳宋一陳宋二王趙一灌地凡一千二百九十八畝五分凡三百五十家不佞竊惟今之傳舍其官者第知為身家營耳候不自為身而以永之含齒為身不自為家而以永之比屋為家故顯賴焦勞功成而民安有足述也繇今以往千百人利之千萬世永利之苟此渠長存則候之明德亦應與不朽豈不休哉古有芍陂今有福興繫我賈績並趾禹功矣

重修萬廂渠碑記

佟賦偉

養民萬先於興利化俗莫善乎持平為利之道如是而教民亦不越此也我皇上代天理物教養兼隆持蠲千萬之正供復興畿甸之水利舉凡所以懷保小民者無一不至焉故一時大憲靡不以興利化民為首務膺民社者詎敢忽諸吾永當全門鳳翼之麓地勢平衍幾二十里洛水貫焉古人引洛為渠故永之稱膏腴享地利者必數渠渠南北為首渠之在南岸者曰雲插盡

復興民樂安業共五北岸則永利萬廂小石永昌宣利亦五每渠溉田自數
頃十餘頃至三數十頃不等永利一渠最居上游惟萬廂渠緊接其下環縣
治而東綿亘三十餘里溉田七十三頃有奇享其利者凡一十八村故十渠
之中萬廂之利為尤夥焉自乾隆八年以來洛徙而北斷渠之腰父老買沿
渠地以續之九年復毀者再渠民費白金千金卒不能治因而相顧束手遂
任其廢焉余以九年冬承乏茲土勸民興復者屢次父老堅以無益為請蓋
以河水數刷渠身已為巨浸冲斷一百餘丈而且斷渠之首擁士丈餘高於
故渠且三數丈誠為力無可施者余心憫焉未嘗一日忘也今年春始得度
地過水諸法余甫自會城歸遂不遑寧處即日親至渠所度量高下因改萬
有斜繞北原迤邐而南復接斷渠之首水得通行無碍且去洛遠亦再無冲
刷患矣萬廂父老咸色喜曰此向所至願而不可得者以非原有永利支渠
二股自北而南渠民資以為利今改渠道即須橫截枝渠則利於我者恐害

且移於人也於是永利衆庶果嗷嗷而前余笑而婉諭之曰若曹均赤子耳
余豈為是不平之舉哉曩余不能決者正為是而止懼導爭也今詳度地勢
高下渠必深八九尺始能行水吾今為若架飛槽過支渠水則渠流於下水
行於上若地漑自若也并當為若疊石橋便耕作立碑垂久遠卑余去之後
設有廢壞令萬廂渠長為若修之不以累永利也不特是也今河日北徙則
爾地且不保余當為女作月堤障水南注以保地畝又安肯但為萬廂籌樂
利而不為永利計久遠乎語甫畢二渠之民觀者數千人咸手手曰若然吾
儕且禱祀不敢得敢不如使君命耶爰命擇日興工計用北原地七畝有奇
萬廂渠民計畝出資力每畝照時值賞十五金計開新渠二百二十餘丈用
工千開去地糧撥入渠身完納余另為作飛槽二石橋二又臨河築挑水月
堤一以三月上旬謀始作半月次第告成二渠之民咸喜請余立石記之余
嘉二渠之能讓也且甚願吾永之民同敦嫻睦比戶可封以享

洛寧縣志 卷三 中 石印 廟
聖天子浩蕩之恩沐賢大憲噢咻之澤也故詳述其興復之由於石而樹之橋
泝以垂永久也

創開天一渠碑記

韋 袞

我永萬山斗邑中夾一帶洛水洛之南北涯鑿渠引流一灌而旱魃不能為
災劇始於有明之子公復興于前任之佟公嗣是來牧者踵而修之或稍稍
增加邑人賴之所謂渠成萬世之利也獨長水而東馬店而西二十里許不
能沾涓滴我則翁高老父母來蒞目覩心惻喟然曰均吾民也均吾土也胡
竟枯異乎適庚子辛丑間連歲亢旱召父老而謀之僉曰聞之前明竭民力
以開鑿而未覩成效迨我佟父母三載勤勛心力云瘁而復壞于無成此吾
儕小人所親見蓋必不可成之功也公曰天下事特患不得其人不得其法
耳寧有不可成之功哉命駕而往周爰巡視嘻曰源不高而欲流之遠無怪
前功之不成也於是溯洛流而上入山五里許測其高下曰此建瓴之勢也

擇士民之才幹者授以經畫俾董其役八闕月而績用成浩乎沛然日灌數
百畝延袤二十里竹樹之茂禾黍之美陡而改觀向之畏難者莫不躍喜以
手加額曰此神君之賜也公亦樂之仍以公之舊名曰天一蓋取天一生水
之義且斯渠獨居上流為諸渠首若干之有甲支之有子而永之水利無遺
憾矣嗚呼凡民可與樂成難與慮始公獨出已見成前人難成之功雖其才
有過人乎抑亦精誠之所致也宜勒石以垂永久公諱式青字則原浙江錢
唐人丙子科舉人名儒經濟茲役特其一斑云若夫灌地之數目畝次之先
後及勦事者之姓名皆宜書志以載諸碑陰